



Broj: 01-1298/21

Sarajevo, 02.09.2021. godine

Na osnovu člana 135. stav 3. tačka a) Zakona o visokom obrazovanju Kantona Sarajevo („Službene novine Kantona Sarajevo“ broj: 33/17, 35/20, 40/20), člana 105. stav 2. Statuta Univerziteta u Sarajevu, broj: 01-1093-3-1/18 od 28.11.2018. godine, Nastavno-naučno vijeće Pravnog fakulteta Univerziteta u Sarajevu je, na LXXXIII sjednici, održanoj dana 02.09.2021. godine u 13,00 sati donijelo je jednoglasno sljedeću

ODLUKU

Kanita Pruščanović, MA iur, stručna saradnica na naučnoj oblasti ***Krivično pravo***, će predstavljati stručne saradnike Fakulteta na izbornoj sjednici 02.09.2021. godine u odustnosti mandatnog predstavnika stručnih saradnika Haruna Išerića, MA iur.

Obrazloženje

Imajući u vidu da se izabrani predstavnik stručnih saradnika, Harun Išerić, MA iur. nalazi na studijskom boravku u inostranstvu, te da neće moći biti fizički prisutan na izbornoj sjednici 02.09.2021. godine, a kako bi se očuvala tajnost glasanja u potpunosti, donijeta je odluka kao u dispozitivu.

Ova Odluka vrijedi samo za izbornu sjednicu 02.09.2021. godine.

DOSTAVLJENO:

- 1. Imenovanoj***
- 2. a/a***



DEKANESA

Prof.dr. Hajrija Sijerčić-Čolić

Broj: 01-1623/21

Sarajevo, 02.09.2021. godine

Na osnovu odredbe člana 137. stav 3. Zakona o visokom obrazovanju Kantona Sarajevo („Službene novine Kantona Sarajevo“ broj: 33/17, 35/20, 40/20) i odredbe člana 111. stav 11. Statuta Univerziteta u Sarajevu br. 01-1093-3-1/18 od 28.11.2018. godine, Nastavno-naučno vijeće je, na LXXXIII sjednici održanoj 02.09.2021. godine, donijelo

ODLUKU

I

Dr Zinka Grbo, redovna profesorica na naučnoj oblasti **Trgovačko pravo i pravo privrednih društava**, bira se za dekanesu Pravnog fakulteta Univerziteta u Sarajevu za mandatni period 2021 - 2025. godine.

II

Mandat prof.dr Zinke Grbo, izabrane dekanese, počinje 01.10.2021. godine.

Obrazloženje

Odredbom člana 137. stav 1. Zakona o visokom obrazovanju Kantona Sarajevo („Službene novine Kantona Sarajevo“ broj: 33/17, 35/20, 40/20) i člana 111. Statuta Univerziteta u Sarajevu, broj: 01-1093-3-1/18 od 28.11.2018. godine propisano je da se postupak za izbor rukovodioca organizacione jedinice pokreće odlukom Nastavno-naučnog vijeća najranije 4 (slovima: četiri), a najkasnije 3 (slovima: tri) mjeseca prije isteka mandata dekana.

Pravni fakultet Univerziteta u Sarajevu je donio Odluku br. 01-755/21 od 12.05.2021. godine kojim se predlaže raspisivanje konkursa za izbor dekana i imenuje Komisija za provođenje postupka za izbor dekana/dekanese Pravnog fakulteta Univerziteta u Sarajevu.

Mandat dekanese prof. dr Hajrije Sijerčić-Čolić traje do 30.09.2021. godine.

Komisija konstatuje da je dana 04.06.2021. godine na web stranici Pravnog fakulteta, Univerziteta u Sarajevu i u dnevnim novinama „Oslobodjenje“ objavljen Konkurs za izbor dekana/dekanese Pravnog fakulteta Univerziteta u Sarajevu. Rok za prijavu na konkurs je iznosio 15 dana, što znači da je isti bio otvoren do 19.06.2021. godine (subota).

Istom Odlukom imenovana je Komisija za sprovođenje postupka za izbor dekana/dekanese, u slijedećem sastavu:

1. Prof. dr Enes Durmišević, predsjednik,
2. Prof. dr Meliha Povelakić,



3. Prof. dr Mehmed Hadžić,
4. Prof. dr Amina Nikolajev,
5. Prof. dr Vildana Pleh (u daljem tekstu: Komisija).

Komisija je Nastavno-naučnom vijeću podnijela Izvještaj o prijavljenim kandidatima i konstatovala da su se na konkurs blagovremeno prijavila 2 (slovima: dva) kandidata:

1. Prof. dr Zinka Grbo, dana 16.06.2021. godine
2. Prof. dr Midhat Izmirlija, dana 18.06.2021. godine

Komisija je konstatovala da su obje prijave potpune i blagovremene, te da oba kandidata ispunjavaju utvrđene uvjete za izbor dekana. Na osnovu naznačenog, Komisija je predložila Nastavno-naučnom vijeću Fakulteta da utvrdi listu sa dva kandidata za izbor dekana/dekanese po redoslijedu zaprimanja prijava.

Nastavno-naučno vijeće je, na LXXX sjednici održanoj 30.06.2021. godine, usvojilo Izvještaj Komisije za provođenje postupka izbora dekana/dekanese Pravnog fakulteta Univerziteta u Sarajevu i utvrdilo listu kandidata sa dva kandidata za izbor dekana/dekanese prema redoslijedu prijema prijava, i to:

1. prof. dr Zinka Grbo
2. prof. dr Midhat Izmirlija

Na istoj sjednici Nastavno-naučnog vijeća održanoj kandidati za izbor dekana/dekanese, prof.dr Zinka Grbo i prof.dr Midhat Izmirlija javno su predstavili svoj Program rada za mandatni period 2021 - 2025. godine. Nakon obavljenog tajnog glasanja, Komisija je, na osnovu rezultata glasanja, konstatovala da je rezultat glasanja: prof. dr Zinka Grbo – 17 glasova, prof. dr Midhat Izmirlija – 18 glasova i 1 nevažeći glas. U skladu sa odredbama Statuta, održan je i drugi krug glasanja, pri čemu je rezultat ostao isti. Nakon toga, cjelokupni izborni postupak je ponavljen i novi konkurs za dekana/dekanese Pravnog fakulteta Univerziteta u Sarajevu je raspisan 02.07.2021. godine.

Dana 02.09. 2021. godine održana je LXXXIV sjednica Nastavno-naučnog vijeća, na kojoj je Komisija podnijela Izvještaj o prijavljenim kandidatima i konstatovala da su se na konkurs blagovremeno prijavila 3 (slovima: tri) kandidata:

1. Prof. dr Midhat Izmirlija, dana 02.07.2021. godine
2. Prof. dr Zinka Grbo, dana 05.07.2021. godine
3. Prof. dr Kanita Imamović-Čizmić, dana 15.07.2021. godine

te da je kandidat pod rednim brojem 3. je povukao kandidaturu dana 29.08.2021. godine pismenim podneskom, tako da su u postupku izbora dekana/dekanese ostala prva dva navedena kandidata. Komisija je konstatovala da su obje prijave potpune i blagovremene, te da oba kandidata ispunjavaju utvrđene uvjete za izbor dekana. Na osnovu naznačenog, Komisija je predložila Nastavno-naučnom vijeću Fakulteta da utvrdi listu sa dva kandidata za izbor dekana/dekanese po redoslijedu zaprimanja prijava, i to:



1. prof. dr Midhat Izmirlija
2. prof. dr Zinka Grbo

Na istoj sjednici Nastavno-naučnog vijeća održanoj kandidati za izbor dekana/dekanese, prof.dr Midhat Izmirlija i prof.dr Zinka Grbo javno su predstavili svoj Program rada za mandatni period 2021 - 2025. godine. Nakon obavljenog tajnog glasanja, Komisija je, na osnovu rezultata glasanja, konstatirala da je rezultat glasanja: prof. dr Zinka Grbo 21 glas, prof. dr Midhat Izmirlija 14 glasova i 1 nevažeći glas. Prof. dr Zinka Grbo je dobila natpolovičnu većinu glasova (21), te je Nastavno-naučno vijeće donijelo Odluku da se prof. dr Zinka Grbo, redovna profesorica na naučnoj oblasti Trgovačko pravo i pravo privrednih društava, bira za dekanesu Pravnog fakulteta Univerziteta u Sarajevu za mandatni period 2021 - 2025. godine.

U skladu sa odredbom člana 112. Statuta Univerziteta u Sarajevu, mandat prof. dr Zinke Grbo, novoizabrane dekanese, za mandatni period 2021 – 2025. godine, počinje 01.10.2021. godine.

Navedena Odluka dostavit će se u dalju proceduru, shodno odredbi člana 111. stav 11. Statuta Univerziteta u Sarajevu.

DOSTAVLJENO:

1. *Rektor UNSA*
2. *Prof.dr Zinka Grbo*
3. *Dosje*
4. *a/a*

DEKANESA



Prof. dr. Hajrija Sijerčić-Čolić